

# Vjernik

ISLAMSKI ČASOPIS

01.07.17 – 30.09.17 / 1438 H.G. broj. 8. godina 3. ISSN 2511 - 0772

*Nacionalni Park Una, Strbački Buk, - Bosna i Hercegovina*



SUBOTA 1. JULI 2017

# GENOCID JE ZABORAVITI

MARŠ MIRA U ORGANIZACIJI  
DŽEMAT FIRDEUS OFFENBACH  
JER MI SMO IM TO DUŽNI!.



## GOSTI:

- MEHDIN JAKUBOVIĆ  
ROĐEN U SREBRENICI  
PREŽIVIO GENOCID  
NOSILAC RATNOG PRIZNANJA „SREBRENI STIS“  
OFICIR U ČINU MAJORA OS BIH  
OSNIVAČ PROSVJETITELJ MUALLIM SREBRENICA  
MAGISTAR POLITOLOGIJE
- PREDSTAVNICI GENERALNOG KONZULATA BIH U FRANKFURTU
- NAČELNIK GRADA OFFENBACH
- IMAM EDIN EF. LJAJIĆ
- PREDSTAVNICI KATOLIČKE ZAJEDNICE GRADA OFFENBACH
- PREDSTAVNICI EVANGELISTIČKE ZAJEDNICE GRADA OFFENBACH
- PREDSTAVNICI JEVREJSKE ZAJEDNICE GRADA OFFENBACH

Srebrenički genocid se smatra jednim od najvećih masakara u Evropi od Drugog svjetskog rata, u kojem je ubijeno preko 8.000 ljudi.

OKUPLJANJE U 13:30, A POČETAK MARŠA 14:00  
DATUM: SUBOTA 1. JULI 2017

Adresa: Wald Str. 167 U Offenbach

8372...



REMEMBERING  
SREBRENICA

## *Edukativni islamski časopis Vjernik*

63477 Maintal

Germany

**Registracija: ISSN 2511-0772**

### **Esselamu alejkum ve rahmetullahi ve berekatuhu**

Islamski časopis "Vjernik" je islamsko - edukativnog karaktera na principima Kur'ana i Sunneta. Pored tema koje govore o ispravnom shvatanju ove uzvišene vjere, dio ovog časopisa je posvećen ženi i porodici u islamu, zdravlju a ni naši najmlađi nisu zaboravljeni.

Cilj i svrha ovog časopisa jeste da'va ili pozivanje ljudi da obožavaju i potpuno se pokoravaju Allahu, Uzvišen je On, i da slijede sunnet Allahovog poslanika Muhammeda, sallallahu 'alejhi ve selleme, te da ustraju na tom putu.

**Izdavač:** Džemat FIRDEUS

**Urednik:** A. Mujakić

**Grafički dizajn:** Azmir Amid

**Naslovna strana:** Sead sulejmanović fotograf

### **U ovom broju pišu:**

Prof. Sanin Musa

Šefik Dalalović

Besim Fehratović

Kemal Džomba

L- A Mujakić

U ovaj projekat su uključeni članovi džemata Firdeus.

Ukoliko želite naručiti islamski časopis "Vjernik" kontaktirajte nas putem Email: Adismujakic@gmx.de , i vjernik stiže besplatno na vašu adresu.

Redakcija islamskog časopisa "Vjernik"

**Esselamu alejkum!**

### **U ovom broju čitate**

San Poslanika, s.a.v.s.....4

Allahovo postojanje.....6

Uloga pravoslanih dobrovoljaca u ratu u BiH.....8

Muslimanka i iPhone.....10

Povelja o ljudskim pravima.....11

Kuran na papiru dugačkom 700 metara.....12

Običaji muslimana na dan bajrama.....13

Ljudi i džini.....17

Firdeus- info.....18

Vjernik-info.....19

Živjeti zdravo .....20

Dova za brigu i dug.....21

Poslanik Hud a.s..... 22

## San Poslanika, s.a.v.s

Allahov je Poslanik, sallallahu alejhi ve sellem, imao običaj pitati svoje drugove dali je neko od njih usnio kakav san. Ko je imao kakav san ispričao bi ga. Tako je jednog jutra Vjerovjesnik, sallallahu alejhi ve sellem, ispričao:

"Sinoć su mi došla dva čovjeka i povelala me, rekavši: 'Pođi!', i ja sam pošao. Stigli smo do dvojice ljudi od kojih je jedan ležao, a drugi, držeći u rukama kamen, stajao pored njega. Ovaj drugi onim bi mu kamenom smrskao glavu, nakon čega bi se kamen kotrljao tamo-amo, a on bi ga pratio pogledom. Kamen se nebi vraćao sve dok onome koji leži rana nebi zarasla i glava postala zdrava kao što je i bila. Tada bi se kamen vratio i sve što se desilo prvi put ponovilo bi se.

'Slavljen neka je Allah!

Ko su ova dvojica?

'Kreni dalje!', rekli su mi.

Krenuli smo dalje i tako naišli na čovjeka koji je ležao na leđima, dok je drugi s gvozdеном šipkom stajao iznad njega. Ovaj drugi dograbio bi ovoga što leži za vilicu i, vukući je prema njegovu potiljku, raskomadao je, a također i nos i oko. (Prenosilac hadisa veli kako je moguće da je Ebu-Redža' reka: '... pa ga raspolovi.') Nakon toga učinio bi i s drugom stranom ono što je činio s prvom. Ne bi dirao tu stranu sve dok ne postane zdrava i normalna kao što je i bila, a onda bi ponovo uradio sve što je već jednom bio učinio.

'Slavljen neka je Allah!

Ko su ova dvojica?', upitao sam.

'Kreni dalje!', rekli su mi.

Krenuli smo dalje i tako došli do nečega što je ličilo na furunu. (Prenosilac hadisa veli da misli kako je Poslanik, sallallahu alejhi ve sellem, rekao: '... kad u njoj galama i glasovi.') Nadvirili smo se nad nju i tamo ugledali ljude i žene potpuno gole. Razbuktala vatra je sezala ispod njih. Kad bi god ta vatra došla do njih, oni bi silno zavrištali.

'Ko su ovi?', upitao sam.

'Kreni dalje!', rekli su mi.

Krenuli smo dalje i tako stigli do neke rijeke. (Mislim da je rekao: '... crvene poput krvi.') U toj je rijeci plivao neki čovjek, a na obali drugi je čovjek sakupio gomilu kamenja. Kad taj čovjek koji pliva ispliva neko vrijeme, on dođe onom čovjeku koji je sakupio kod sebe kamenje, pa mu ovaj otvori usta i ubaci u njih kamen, te on nastavi dalje plivati. Zatim se ponovo njemu vrati. I kad god se vrati do njega, ovaj mu otvori usta i ubaci u njih jedan kamen.

'Ko su ova dvojica?', upitao sam.

„Kreni dalje, kreni dalje!“, rekli su mi.

Krenuli smo dalje i tako stigli do čovjeka tako odvratnog izgleda da odvratniji od njega ne može biti, kad kod njega vatra koju on raspiruje i trči oko nje.

„Ko je ovaj čovjek?“, upitao sam .

„Kreni dalje, kreni dalje!“, rekli su mi.

Krenuli smo dalje i tako stigli do jedne bašče s gustim drvećem u kojoj je bilo raznih cvjetova, kad ono u sredini te bašče nekakav visok čovjek – skoro da mu nisam mogao vidjeti glavu zbog njegove visine koja je dopirala do nebesa- a okolo tog čovjeka mnoštvo djece, toliko koliko nikada dotad nisam vidio.

„Ko je ovaj čovjek?“

Ko su ova djeca?', upitao sam.

,Kreni dalje, kreni dalje!', rekli su mi.

Krenuli smo dalje i tako stigli u jednu ogromnu bašču. Nikada prije toga nisam vidio veće niti ljepše bašče od nje. ,Penji se!', rekoše mi. Uspinjali smo se zu nju sve dok nismo stigli do grada koji je bio sazidan od zlatne i srebrene cigle. Došli smo do kapija grada i zatražili dopuštenje za ulazak. Otvoreno nam je, pa smo ušli u grad, gdje su nas sreli ljudi čija je polovica bila lijepa da ljepša nemože biti, a druga polovica ružna da ružnija nemože biti. 'Idite i bacite se u onu rijeku!', rekli su im. Tamo je tekla rijeka čija je voda bila bijela i čista kao mlijeko. Otišli su i bacili se u tu rijeku, a potom se vratili. Onda je njihova ružnoća iščezla i poprimili su najljepši lik. 'Ovo je Džennet Adn, i ovo je tvoje prebivalište!', rekoše mi. Moj se pogled visoko podigao te sam ugledao dvorac koji je izgledao poput bijelog oblaka.

'Ovo je tvoje prebivalište!', rekli su oni.

'Allah vas blagoslovio, dopustite mi da uđem u njega!', rekoh. 'Sada ti nije dopušteno da uđeš u njega!', odgovorili su.

'Ja sam ove noći vidio čudne stvari! Zbilja, šta je to što sam vidio?'

'Mi ćemo te obavijestiti o tome.

Prvi je čovjek kojeg si sreo, kojeg udaraju kamenom u glavu, onaj koji je zapostavljao Kur'an i izbjegavao propisane namaze. Što se tiče drugog čovjeka što si ga sreo, kojemu vilicu trgaju i vuku je , zajedno sa nosnicom i okom, prema potiljku, to je čovjek koji je izlazio iz svoje kuće i tako lagao da se ta laž daleko širila. Što se pak, tiče golih ljudi i žena koji su bili u prostoru sličnom pećnici, to su bludnici i bludnice. A čovjek kojeg si vidio kako pliva u rijeci i guta kamenje, to je čovjek koji je jeo kamatu. Čovjek ružnog izgleda što je bio pored vatre koju je raspirivao i hodao oko nje je Malik, čuvar Džehennema. Visoki čovjek koji je bio u bašči je Ibrahim, alejhi-selam, a djeca oko njega su ona djeca što su umrla bez grijeha. (Prenosilac hadisa veli: 'Neki su muslimani upitali: 'Zar i djeca idolopoklonika?!, Allahov Poslaniče, pa je odgovorio: 'I djeca idolopoklonika.'"') Što se tiče tiče ljudi čija je jedna polovica bila lijepa, a druga ružna, to su oni koji su pomiješali dobra i loša djela, ali im je Uzvišeni Allah oprostio rekoše oni."

(Buhari, str. 1488/7047)

Život čovjeka analiziran je kroz dva ajeta:

"Od Mene će vam uputa dolaziti, i onaj ko bude slijedio uputu Moju neće zalutati i neće nesretan biti."

"A onaj ko okrene glavu od Knjige Moje, taj će teškim životom živjeti i na Sudnjem danu ćemo ga slijepim oživiti."

Taha, 123-124.



# Allahovo postojanje

Islam nedvosmisleno ukazuje na postojanje Uzvišenog. Svi muslimani vjeruju u Allahovo svojstvo postojanja, odnosno sva razumna bića vjeruju u Allaha, pa čak i mušrici (mnogobošci), izuzev pojedinih sekta, koje u osnovi ne vjeruju u Allaha, niti Ga priznaju, a Njegovo svojstvo stvaranja pripisuju drugim lažnim božanstvima mimo Njega, kao što je sekta dehrija, koji smatraju da stvaranje pripada vremenu, a samo vrijeme po sebi nije stvoreno niti ima svoj kraj. Na ovaj način negiraju Allaha kao Stvoritelja nebesa i Zemlje i smatraju da se svakih trideset šest hiljada godina stvari vraćaju u svoje prvobitno stanje i tako ukrug. Na taj način izjednačili su se sa jednim dijelom mušrika koji su živjeli za vrijeme poslanika Muhammeda, sallallahu alejhi ve sellem, i govorili: "Postoji samo naš život zemaljski, živimo i umiremo, jedino nas vrijeme uništi" – govore oni. A oni baš o tome ništa ne znaju, oni samo nagađaju." (El-Gašije, 24)



Dehrije smatraju da jedni ljudi umiru, a drugi se rađaju i da poslije toga nema više ničega. Negiraju život u kaburu, proživljenje, Sudnji dan, Džennet i Džehennem.

Isto ovo vjerovanje uzeli su i filozofi kao svoju vjeru, zbog čega su zalutali, kao i mnoge druge sektae koje su se okrenile od Kur'ana i sunneta.

Kada govorimo o svojstvu postojanja, pripisujući ga Uzvišenom Allahu, to ne znači da je ono stečeno i da ga prije nije bilo.

## Dvije vrste postojanja

Postoje dvije vrste postojanja:

Postojanje koje biva samo po sebi o to svojstvo pripisujemo Uzvišenom Allahu, koji to svojstvo nikada nije stekao, nego je uvijek bilo dio Njega, što ujedno ukazuje na Njegovo savršenstvo. Nikada se nije desilo da Allah nije postojao, niti će se ikada desiti da On nestane. Uzvišeni Allah govoreći o sebi kaže: **"Njegova je vlast na nebesima i na Zemlji; On život i smrt daje, i On sve može. On je Prvi i Posljednji, i Vidljivi i Nevidljivi; i On zna sve!"** (El-Hadid, 2-3)

Postojanje koje je neko drugi stvorio. Nešto što je postalo nakon što ga nije bilo i što mora imati svog stvoritelja, to jeste Allaha, u suprotnom ga nikad ne bi bilo. Uzvišeni Allah kaže: **"Allah je Stvoritelj svega i On upravlja svim. U Njega su ključevi neba i Zemlje! A oni koji u Allahovo dokaze ne vjeruju, oni će biti izgubljeni!"** (Ez-Zumer, 62-63); **"Zar su oni bez Stvoritelja stvoreni ili su oni sami sebe stvorili?! Zar su oni nebesa i Zemlju stvorili?! Ne, nego oni neće da vjeruju."** (Et-Tur, 35-36)

Sama fitra – prirodna uređenost ukazuje na postojanje Allaha. Šejh Salih b. Usejmin, Allah mu se smilovao, kaže: "Sama fitra je najjači dokaz postojanja Allaha, ukoliko čovjeka nisu obuzeli šejtani i skrenuli ga sa puta vjere."

Uzvišeni Allah kaže: "Ti upravi lice svoje vjeri, kao pravi vjernik, djelu Allahovu, prema kojoj je On ljude načinio – ne treba se mijenjati Allahova vjera, ali većina ljudi to ne zna." (Er-Rum, 30)

Šejh Usejmin dalje kazuje: "Prirodna fitra ukazuje na Njegovo postojanje i čovjek nemože skrenutu s tog puta, osim da ga šejtanu obuzmu, a ako ga šejtanu obuzmu, ovaj mu dokaz ne može koristiti."

Svaki čovjek u duši osjeća, da ima svoga Gospodara i Stvoritelja i osjeća da ima potrebu za Njim. Zato kada se nađe u teškoj situaciji, njegove ruke i oči okreću se ka nebesima tražeći svoga Gospodara.

### **Kosmička događanja**

U svijetu u kojem živimo dešavaju se mnoge stvari, a prvo od tih dešavanja jeste stvaranje. Sve što vidimo oko sebe: rijeke, brda, drveće, nebesa, ljudi, životinje, prvo je moralo nastati, a tek onda djelovati

Prvo pitanje koje se nameće jeste: Ko je stvorio ta stvorenja? Na to pitanje imamo nekoliko odgovora.

Da su nastala bez stvoritelja, bez ikoga, slučajno, tako da niko ne zna kako su svorena. Međutim, kažemo da je to nemoguće jer sve što je stvoreno mora imati svoga stvoritelja.

Da su sama sebe stvorila. I ova teorija nema utemeljenja, jer je nemoguća pomisao da neko stvori sebe, a istovremeno ne postoji.

Da ta stvorenja imaju svoga Stvoritelja, koji ih je sigurno stvorio, i ovo je jedina ispravna teorija koju zdrav razum može prihvatiti. U protivnom, ako je ne prihvati, onda je to dokaz da je taj razum bolestan i da živi u zabludama.

**Uzvišeni Allah Kaže: "Zar su oni bez Stvoritelja stvoreni ili su oni sami sebe stvorili?! Zar su oni nebesa i Zemlju stvorili?! Ne, nego oni neće da vjeruju" (Et-Tur, 35-36);**

**"Pa zašto oni ne pogledaju deve – kako su stvorene, i nebo – kako je uzdignuto, i planine – kako su postavljene, i Zemlju – kako je prostrta?!" (El-Gašija, 17-20)**

Kada je Poslanik, sallallahu alejhi ve sellem, dovio Allahu na minberu da spusti kišu Svojim stvorenjima, nije ni sišao sa minbera a kiša je već počela padati i to je jedan od dokaza Njegovog postojanja.

Kada pogledamo u Allahova stvorenja, vidjet će mo kako je Allah svakom stvorenju dao lik i oblikovao ga onako kako to njemu odgovara. Ribi je da tijelo koje odgovara životu u vodi, ptici ono što odgovara životu u zraku, čovjeku oblik koji odgovara životu na zemlji...

Nekim stvorenjima dao je brzinu, drugim snagu, trećim oštar vid i tako dalje, kako bi svako stvorenje ispunjavalo zadaću zbog koje je stvoreno. Isto tako, trebamo znati da je jedino džinima i ljudima Allah dao svojstvo razuma, što ih obavezuje na obožavanje Allaha, na temeljima Kur'ana i sunneta. Druga bića nisu dužna obožavati Allaha jer nemaju samo jedno svojstvo, a to je svojstvo razumijevanja i spoznaje.

Jedan od dokaza postojanja Allaha jeste i sam šerijat, to jest vjera koju je Allah spustio preko svojih poslanika.

Svi šerijati i zakoni koji su spuštjeni na Zemlju ukazuju na postojanje Stvoritelja, na Njegovo potpuno znanje, mudrost i samilost, a isto tako ukazuju na brojna naučna dostignuća koja današnja nauka tek dokazuje. Sve to neko je morao propisati i objasniti, a to ne može biti niko drugi nego sveznajući Allah.

Izvor: El-Asr- Semir Vatrić, prof



## Uloga pravoslavnih dobrovoljaca u ratu u BiH

Tačan broj dobrovoljaca iz Rusije i Grčke koji su ratovali na strani snaga VRS nije poznat, ali se bar u haškim dokumentima navodi da ih je bilo između 529 i 614. Smatra se da su neki od njih umiješani i u ratne zločine, te da su zajedno sa trupama **Ratka Mladića** ušli u Srebrenicu gdje je počinjen genocid nad Bošnjacima. O njihovom učešću u ratu danas svjedoče brojni nadgrobni spomenici širom RS, kao i spomenik ruskim dobrovoljcima koji se nalazi u Višegradu. No za sada nema sudskih presuda za zločine iako ima mnoštvo dokaza. Sve ovo dokumentovano je i u nedavno objavljenoj knjizi **Aziza Tafre** „Ruski i grčki plaćenici u ratu u BiH“.

**Genadij Kotov**, komandant kozačke jedinice formirane u okviru Ruskog dobrovoljačkog odreda VRS, poginuo je u februaru 1993. godine u borbama kod Višegrada. Još se prepričava kako se na dan njegove sahrane obrušavala zemlja u grobu svaki put kad su pokušali da ga sahrane:

*„Nakon trećeg neuspješnog pokušaja da ovakvog ruskog teroristu spuste u zemlju Bosnu, pop Rajko je naredio da prisutni vojnici ispale plotun u otvorenu raku i nakon toga su ga uspjeli spustiti i zakopati. Višegradom je zavladao strah od ovog događaja, pa je odlučeno da nakon 40 dana ekshumiraju i da mu posmrtno ostatke prenesu u Volgodonsk.“*

Ovaj detalj, koji je iz knjige Aziza Tafre „Ruski i grčki plaćenici u ratu u BiH“ pročitao glumac **Muharem Osmić**, dokaz je da su se u BiH na strani VRS borili i ruski dobrovoljci. Njima u čast upravo u Višegradu stoji i spomenik koji je napravila Vlada RS.

**Ljudmila Bogoslavskaja** majka je poginulog ruskog dobrovoljca koji je, mimo volje tadašnjih ruskih vlasti, došao da se bori u BiH:

*„Nikada nisam pomislila da će moj sin doći u vašu zemlju. I nije samo on došao, nego i drugi mladići, kao i zreli muškarci koji se nisu uplašili da dođu ovdje u trenutku kada naša vlada nije htjela da pruži pomoć vašoj velikoj zemlji. A uvijek je bila tradicija da ruski narod pomaže svojoj slovenskoj braći. Naši mladići i muškarci su došli i dali ono što je za njih bilo najdragocjenije - svoj život.“*

O učešću ruskih dobrovoljaca ne svjedoče samo grobovi, već i knjige brojnih plaćenika, kao i video snimci njihovih zlodjela. Jedan od njih je i ruski pjesnik **Eduard Limonov**, koji je sa novinarima i haškim optuženikom Radovanom Karadžićem obilazio ratišta oko Sarajeva i pucao po opkoljenom gradu.

**KARADŽIĆ:** Ovo je gospodin Limonov, ruski pisac, veoma, veoma poznat.“



Limonov je poslao strašnu poruku - da je poželjno doći u BiH i pucati po njenim građanima.

### Od unproforca do dobrovoljca

**Avdo Huseinović**, autor feljtona o učešću dobrovoljaca iz Rusije i Grčke, navodi i primjere zbog kojih se, kaže, treba zapitati i o posljedicama.

U Bosni i Hercegovini i susjednim zemljama često se spominju dobrovoljci iz arapskih zemalja, a gotovo uvijek se zaboravljaju dobrovoljci koji su zajedno sa srpskim snagama činili zločine nad Bošnjacima.

*„Meni je uvijek iznova jako interesantan slučaj majora **Aleksandra Škrabova**. Njegov grob se nalazi u Donjim Miljevićima. On je bio ovdje 1992. godine kao pripadnik ruskog bataljona UNPROFOR-a. Vratio se u Rusiju, a onda se vratio ovdje i stao na čelo ruskih plaćenika. Katil je poginuo na Nišičkoj visoravni. Zbog čega vam govorim o toj povezanosti unproforaca koji su bile ovdje, pa se vraćali u Rusiju, pa onda se opet vraćali ovdje? Moramo iznova postaviti o odgovornosti ruskog i ukrajinskog bataljona na teritoriji BiH. Nije slučajno da je ratni komandant odbrane Žepe, rahmetli pukovnik **Avdo Palić** onako lahko otet u Žepi pred očima ukrajinskog bataljona“,* ističe Huseinović.

Haški tribunal procjenjuje kako je u redovima VRS bilo je između 529 i 614 ratnika iz Rusije, Grčke, Rumunije. Neke procjene govore i da ih je bilo više od 1.000. Dolazili su mimo znanja vlasti zemalja iz kojih su stizali, kanalima za koje autor knjige Aziz Tafro kaže:

*„Oni su dolazili na način da su ih putem mafijaških ili nekakvih malih političkih partija mobilisali u Ruskoj Federaciji, plaćali, fomirali jedinice, ratovali, napravili čuda od zla u BiH.“*

### Ratovali i grčki dobrovoljci

Osim Rusa, u redovima plaćenika bili su i Grci. Ratko Mladić je u martu 1995. formirao grčku dobrovoljačku gardu u sastavu Drinskog korpusa, koja je učestvovala i u srebreničkom genocidu. O tome su pisali i brojni svjetski mediji, a kolika je njihova uloga bila istakao je i sam Mladić prilikom proslave Nove godine 31.12.1995. u Crnoj rijeci kod Han Pijeska, kada je posebno hvalio komandanta grčkih dobrovoljaca – izvjesnog Antonia:

*“Imali smo pomoć od naše braće iz Grčke i da je svaki drugi Grk bio Antonije, i da je svaki drugi Srbin bio Antonije, nama bi bilo mnogo lakše, da ne kažem da je svaki drugi Rus bio Antonije takođe bi nam bilo lakše.“*

Holandija je također 2004. u izvještaju o genocidu nad Bošnjacima navela da su u vrijeme pada zaštićene zone UN-a grčki dobrovoljci bili u kontaktu sa Ratkom Mladićem i **Radovanom Karadžićem**. Otkrivene su video snimke grčke zastave nad Srebrenicom, pa čak i transkripti koji govore o izričitom zahtjevu Ratka Mladića da se izvjesi grčka zastava nad gradom da se počaste "hrabri Grci na našoj strani". I Karadžićeve veze s Grčkom nisu tajna:

*„Mi danas nemamo mnogo prijatelja. Sa nama su sada samo Grci i Bog.“*

Nekolicina bivših dobrovoljaca iz Grčke, Rusije, Rumunije i Ukrajine i danas žive u zabačenim selima u RS, gdje primaju penzije i invalidnine, navodi se u knjizi Aziza Tafre. Neki od njih danas su i na ratištima širom svijeta.

Radio slobodna europa

Dženana Halimović

## Muslimanka i iPhone

Djevojka je kupila nov iPhone, i odmah se pohvalila ocu na tome, a on ju je upitao, šta je prvo što si kupila za telefon?

- Kupila sam zaštitnu masku - odgovorila je.
- Da li te neko natjerao na to?
- Ne, zašto bi!?
- Ali zar ne misliš da je to uvreda za proizvođača? Djeluje kao da proizvode nedovoljno kvalitetne telefone.
  
- Ne oče, proizvođač preporučuje da se koristi zaštita za telefon.
- Zaštitom kriješ mobitel, da kojim slučajem ne izgleda jeftino ili ružno?
- Ne, naprotiv, želim da što duže traje i da se eventualno ne ošteti.
- Ali ta zaštita na telefonu umanjit će njegovu ljepotu, ipak kćeri, to je iPhone.
- Neće, uopće. Naprotiv, mnogo ljepše i otmjenije izgleda sa zaštitom.
  
- Na kraju je otac pogledao i sa smješkom odgovorio: "Isti slučaj je i sa hidžabom, kćeri moja".

Resul Mehmedović

Svako iskušenje ima svoj rok trajanja. To je Allahova provjera. Koliko smo, i da li smo, vjernici. I neminovno, svaki mumin u životu mora proći i entuzijazam, odnosno polet i elan u vjeri i iman, ali i tzv. futur, tj. slabost imana.

Sve ima svoj rok. Poput Sunca kada grije, pa ga prekriju oblaci, ili ptice koja leti, a zatim se spusti. Ipak, oblaci će se neminovno razići i Sunce će ponovo zasjati, a i ptica će opet uzletiti.

Tako je i sa čovjekovim imanom; iako ga nekada prekriju oblaci, oni će se razići, i iman će nanovo u srcu procvjetati!

Bitno je djelovati, činiti ibadet, biti ustrajan, Allahu se obraćati, ne odustajati...

Takav je put vjernika!

Prof. Sanin Musa

## Povelja o ljudskim pravima

Uzvišeni je Allah rekao: "O ljudi, Mi vas od jednog čovjeka i jedne žene stvaramo i na narode i plemena vas dijelimo da biste se upoznali. Najugledniji kod Allaha je onaj koji Ga se najviše boji, Allah, uistinu, sve zna i nije Mu skriveno ništa." (El-Hidžurat, 13)

Na dan Arefata, Vjerovjesnik, sallallahu alejhi ve sellem, održao je kratak, ali izuzetno sadržajani jezgrovit govor, koji slobodno možemo nazvati prvim proglasom o ljudskim pravima u historiji ljudskog roda. Vjerovjesnik, sallallahu alejhi ve sellem, između ostalog, rekao je: *"O ljudi, uistinu su vaši životi i vaši imeci sveti i nepovredivi baš kao što su nepovredivi ovaj vaš dan i ovaj vaš mjesec u kojem se nalazite i ovaj vaš grad u kojem boravite. Uistinu je svaki paganski običaj dokinut i ja ga bacam pod svoja stopala."* U drugoj verziji navodi se da je Vjerovjesnik, sallallahu alejhi ve sellem, kazao: *"O ljudi vaš Gospodar je jedan, i svi vi potičete od istog pretka. Znajte da Arap nema prednost nad nearapom, niti nearap nad Arapom, niti bijelac nad crncem, niti crnac nad bijelcem, osim po bogobožnosti..."* Potom je upitao: *"Jesam li dostavio?"*, a oni odgovoriše: *"Jesi, dostavio si, Allahov Poslaniče!"* Nakon toga, Vjerovjesnik, sallallahu alejhi ve sellem, ljudima je rekao: *"Neka prisutni ovo prenesu odsutnima!"* Također, u ovoj veličanstvenoj hudbi, Vjerovjesnik, sallallahu alejhi ve sellem, rekao je: *"I dobro se čuvajte pretjerivanja u vjeri, jer je pretjerivanje u vjeri uništilo prijašnje narode."* Na prvi da Kurban-bajrama, Poslanik, sallallahu alejhi ve sellem, održao je i drugu hutbu u kojoj je potvrdio principe pravednosti, afirmirao čuvanje tuđih prava, te najstrože zabranio prolijevanje krvi nedužnih, narušavanje njihove časti i uzurpiranje njihove imovine. (Buhari, 67, Muslim, 1218, 1679, Ahmed, 23489, Nesai, 3057, i Ibn Madža, 3029)

### Danas sam vam vjeru vašu usavršio

Uzvišeni Allah je rekao: "Danas sam vam vjeru vašu usavršio i blagodat Svoju prema vama upotpunio i zadovoljan sam da vam islam bude vjera" (El-Maida, 3). Omer, radijallahu anhu, rekao je: "Ja uistinu znam i dan i mjesto na kojem je objavljen ovaj ajet. Objavljen je Allahovom Poslaniku, sallallahu alejhi ve sellem, u petak, dok je stajao na Arefatu." (Buhari, 45, i Muslim, 3017)

Izvor: Upoznaj Poslanika u nekoliko minuta





## Kur'an na papiru dugačkom 700 metara

**Egipatski umjetnik prepisao je Kur'an na svitak papira dugačak 700 metara, te se želi prijaviti za Guinnessovu knjigu rekorda.**

Egipatski umjetnik, koji se sam obrazovao nakon što je napustio školu, tri godine stvara ono što se nada da će postati najveći primjerak Kur'ana u svijetu.

Saad Mohammed, koji je rukom oslikao zidove i plafone svog doma u Belqini, sjeverno od Kaira, prepisao je Kur'an na papir dugačak 700 metara.

„Ovaj Kur'an je dugačak 700 metara i naravno, to je velika količina papira“, rekao je za Reuters. „Lično sam finansirao ovaj projekat u protekle tri godine, a ja sam prosječan čovjek. Nemam imovine“, rekao je Mohammed za Reuters.

## Želi u Guinnessovu knjigu rekorda

Mohammed želi prijaviti svoj projekat za Guinnessovu knjigu rekorda.

Iako postoji rekord za najveći štampani Kur'an u svijetu, do sada nema rekorda za najveći primjerak muslimanske svete knjige pisane rukom.

Mohammed kaže da se nada pomoći vlade ili zainteresovanih pojedinaca kako bi finansirao prijavu za Guinnessovu knjigu rekorda.



## Običaji muslimana na dan Bajrama

**M**uslimani imaju dva praznika – Ramazanski i Kurbanški bajram, kako je to jasno naznačio Poslanik u svom hadisu. Bajram je dan radosti i veselja na što ukazuju i primjer kada je Ebu Bekr, radijallahu anhu, Na dan Bajrama posjetio svoju kćerku Aišu, radijallahu anha, i kod nje zatekao dvije sluškinje koje su pjevale. Čuvši to, Ebu Bekr ukori Aišu i upita: “Zar pjesma u kući Allahovog Poslanika?!” Poslanik, sallallahu alejhi ve sellem, sjedeći licem okrenut na drugu stranu, rekao je: “Pusti ih, Ebu Bekre! Svaki narod ima svoj blagdan, a ovo je naš blagdan – bajram.” (Buhari i Muslim) Rekao je Ibn Abidejn: “Ovaj praznik nazvan je Bajram (ar. e’id, što znači povratak) zbog stvari koje se ponovo vraćaju u normalno stanje, kao što je, naprimjer, mogućnost jedenja tokom dana ili nečega drugog što je bilo zabranjeno u ramazanu.” (*Hašijetu Ibnu Abidejn*)

Bajramski dani jesu dani radosti i veselja, ali potrebno je razjasniti i za koga su to dani radosti, odnosno ko se istinski veseli u tom danu: Da li oni koji su dočekali ramazan kao dragog im gosta i koji su ga ugostili izvršivši svoje obaveze prema njemu, ili oni koji su to polovično učinili, ili oni za koje je ramazan kao i svaki drugi mjeseci? Svakako da će radost biti srazmjerna učinjenim ibadetima u ramazanu. Svako će se veseliti shodno svojim učinjenim dobrim djelima.

## Prvi Poslanikov bajram

Prvi ramazanski bajram Poslanik, sallallahu alejhi ve sellem, klanjao je u drugoj hidžretnoj godini, nakon što je propisan post, na što ukazuje i hadis u kojem se od Enesa prenosi da je "Poslanik, sallallahu alejhi ve sellem, došao u Medinu čiji su stanovnici imali dva praznika iz vremena džahilijeta u kojima su se igrali i zabavljali. Poslanik, sallallahu alejhi ve sellem, upitao ih je: 'Koja su vam to ta dva dana?', a oni su odgovorili: 'Dva dana u kojima smo se zabavljali u vrijeme džahilijeta.' Na to im Poslanik reče: 'Allah vam je ih zamijenio sa dva bolja praznika: Kurbanaskim i Ramazanskim bajramom.'" (Ebu Davud, hadis je sahih. Vidjeti: Albani, *Sahihul-Džamijah*) Ovaj hadis ukazuje na to da muslimani imaju samo dva šerijatom prihvatljiva i dozvoljena praznika i da su svi drugi praznici neispravni i muslimanu nije dozvoljeno da učestvuje u njima, čak i u slučaju da nose prefiks vjerski. Kada su u pitanju bajramski običaji koji se preporučuju muslimanima, neki od njih jesu sljedeći:

## Kupanje prije odlaska na bajram-namaz

Pohvalno je da se musliman okupa prije odlaska na bajram-namaz i ovo je uopćeno mišljenje islamskih pravnika. U ovom danu muslimani se okupljaju u većem broju nego u danu petka u kojem je džuma-namaz i za koju je preporučljivo kupanje. Poznato je da su kupanje prije odlaska na bajram-namaz prakticirali Ibn Omer, Alija, Hasan el-Basri, Alkama i mnogi drugi iz prve dvije generacije muslimana. Vrijeme kupanja, shodno mišljenju većine uleme, počinje poslije izlaska sunca u bajramskom danu, zato što je bajram-namaz ujutro i vrijeme kupanja treba biti blizu njega, ali ako bi se neko okupao i prije, ne bi bilo smetnje u tome.

## Odijevanje lijepe odjeće i mirisanje

Na dan Bajrama pohvalno je da se musliman lijepo obuče i namiriše. Ibn Omer, Allah bio zadovoljan njime, prenosi da je njegov otac Omer, Allah bio zadovoljan njime, na pijaci kupio svileni ogrtač i donio ga Poslaniku, sallallahu alejhi ve sellem, rekavši mu: "O, Božiji Poslaniče, uzmi ovo, kako bi se uljepšao na Bajram, a i kasnije kada ti izaslanici budu dolazili." Rekao mu je Poslanik, sallallahu alejhi ve sellem: "To je odjeća onoga kome ne pripada udio na ahiretu." (Buhari) Rekao je Ibn Redžeb, Allah mu se smilovao: "Hadis ukazuje da je uljepšavanje na Bajramu bilo uobičajeno kod njih." Ibn Omer je za Bajram oblačio najljepšu odjeću. (Bejheki) Naravno, sve ovo vrijedi uz uvjet da se i muškarci i žene moraju pridržavati šerijatskih normi u oblačenju, a isto tako pohvalnost mirisanja ne odnosi se na žene. Oblačenje lijepe odjeće i mirisanje nije posebno određeno za one koji prisustvuju bajram-namazu, već obuhvata i one koji mu ne prisustvuju, jer je to od edeba bajramskog dana, a ne namaza. Cilj oblačenja lijepe odjeće i korištenja mirisa jeste ispoljavanje ljepote ukrasa i radosti.

## Pojesti nešto prije odlaska na ramazanski bajram-namaz

Islamskih učenjaci jednoglasni su u mišljenju da je pohvalno nešto pojesti prije odlaska na ramazanski bajram-namaz, a najbolje je da to budu datule, kao što je to bila praksa Poslanika, sallallahu alejhi ve sellem, i njegovih drugova. Prenosi se od Enesa, radijallahu anhu, da Poslanik, sallallahu alejhi ve sellem, ne bi poranio na dan Ramazanskog bajrama sve dok ne bih pojeo datule i to neparni broj (Buhari). Ukoliko čovjek nema datula, onda može biti bilo koja druga hrana. Islamski učenjaci spomenuli su neke mudrosti jedenja prije odlaska na ramazanski bajram-namaz, kao naprimjer da se time ispoljava razlika između bajrama u kojem je zabranjen post i ramazana u kojem je zabranjeno jelo.

## Podijeliti sadekatul-fitr

Prije bajram-namaza pohvalno je podijeliti sadekatul-fitr. Rekao je Ebu Seid el-Hudri, Allah bio zadovoljan njime: "Na dan Ramazanskog bajrama udjeljivali smo jedan saa hrane." (Buhari) Prenosi se od Ibn Omera, Allah bio zadovoljan njime, da je Poslanik, sallallahu alejhi ve sellem, naredio da se sadekatul-fitr udijeli prije odlaska ljudi na bajram-namaz. (Buhari)



## Klanjati bajram-namaz

Pohvalno je, odnosno sunnet je da se bajram-namaz klanja na otvorenom prostoru, na što ukazuje Poslanikova, sallallahu alehi ve sellem, praksa. (Buhari) Poslanik, sallallahu alejhi ve sellem, nije klanjao bajram-namaz u svom mesdžidu iako namaz obavljen u njemu ima posebnu vrijednost.

## Prisustvovanje žena bajram-namazu

Sunnet je da žene izađu na prostor na kojem se obavlja bajram-namaz. Od Ummu Atije el-Ensarije, Allah bio zadovoljan njome, prenosi se da je rekla: "Poslanik, sallallahu alejhi ve sellem, naredio nam je da za Ramazanski i Kurbanški bajram izađemo (na musallu). Mogle su izlaziti i one koje su imale hajz. One bi se udaljile od mjesta gdje se klanja i bile bi iza ljudi, te bi donosile tekbire. Prisustovale bi dobru i dovi muslimana." Ummu Atija kazuje da je pitala Poslanika, sallallahu alehi ve sellem: "O, Vjerovjesniče, neka od nas nema ogrtača (pa kako će izaći)?", a on je odgovorio: "Neka je obuče njena sestra sa jednim od svojih džilbaba – ogrtača." (Buhari i Muslim) I muškarcima i ženama kao primjer uzoritog ponašanja u ovom danu možemo navesti primjer Hasana b. Ebu Sinana koji je, kada ga je supruga po povratku s bajram-namaza, upitala: "Koliko si prelijepih žena danas vidio?", odgovorio: "Tako mi Allaha, od kada sam izašao od tebe, pa sve dok ti se nisam vratio, nisam gledao nigdje osim u svoj kažiprst."

## Pješke otići na bajram-namaz i vratiti se kući

Pohvalno je da se na bajram-namaz odlazi pješke, kako je to radio Poslanik, sallallahu alejhi ve sellem. (Ibn Madža, hadis je sahih; vidjeti: Albani, *Sahihul-Džamia*) Odlazak u džamiju pješke ljepši je i bliži skromnosti, ali nema smetnje ni da se koristi prijevozno sredstvo. Isto tako, pohvalno je na bajram-namaz otići jednim putem, a kući se vratiti drugim putem. (Buhari)

## Donošenje tekbira

Rekao je Uzvišeni Allah: "...da određeni broj dana ispunite, i da Allaha veličate zato što vam je ukazao na Pravi put, i da zahvalni budete." (El-Bekara, 185) Imam Begavi, Allah mu se smilovao, rekao je: "Od sunneta je donošenje tekbira u noćima dva Bajrama, u mjestu boravka i na putu, u kućama, u mesdžidima, na pijacama, na sabahu, i na prostoru u kojem se klanja, dok ne dođe imam." Ibn Omer, Allah bio zadovoljan njime, rano bi odlazio na musallu, odmah poslije izlaska sunca, i sve dok ne bi došao do musalle donosio bi tekbire, a zatim bi nastavio donositi tekbire na musalli. Kada bi imam sjeo na minber, prestao bi. (Hakim i Bejheki, a hadis je sahih; vidjeti: Albani, *Irvaul-galil*). Poslanik, sallallahu alejhi ve sellem, u danima dva Bajrama izlazio bi (iz kuće prema musalli) učeći tehlil (tj. la ilahe illallah) i tekbir povišenim glasom. (Bejheki, hadis je hasen. Vidjeti: Albani, *Sahihul-Džamia*)

## Bajram-namaz

Klanjanje bajram-namaza je farz-kifaje – kolektivna obaveza, što ako ga klanja grupa muslimana, obaveza njegovog obavljanja spada sa drugih muslimana. Međutim, postoji i drugo mišljenje koje zastupaju hanefijski učenjaci i koje je odabrao Ibn Tejmija, a to da je klanjanje bajram-namaza vadžib i stroga obaveza svakog pojedinca. Bajram-namaz počinje od kada se uzdigne sunce dužine koplja i traje sve do zehala, tj. kada sunce bude na polovici neba. Za bajram-namaz nije propisano učenje ni ezana ni ikameta. (Buhari) Klanjaju se dva uobičajena rekata, s tim da se na prvom rekatu, prije učenja El-Fatihe, izgovara sedam tekbira, a na drugom rekatu uči se pet tekbira. (Ebu Davud, hadis je hasen. Vidjeti: Albani, *Irvaul-galil*) Hanefijski učenjaci zastupaju mišljenje da se na prvom rekatu, prije učenja El-Fatihe, izgovaraju tri tekbira, a na drugom rekatu, poslije učenja El-Fatihe, donose tri tekbira. (Kasani, *Bedaius-sanai*) Znači, ashabi su se razišli u pogledu broja tekbira kod bajram-namaza. Prilikom bajramskih tekbira ne dižu se ruke, kako to smatra Albani u djelu *Irvaul-galil*. Poslanik, sallallahu alejhi ve sellem,

običavao je da na prvom rekatu uči suru El-E'ala, a na drugom suru Kâf (Muslim), ili na prvom rekatu suru El-Kamer, a na drugom suru Kaf ili obrnuto (Muslim).

## Bajramska hutba

Hutba na bajram-namazu drži se poslije klanjanja bajram-namaz, što je sunnet o kojem nas je obavijestio Ibn Abbas, Allah bio zadovoljan njime: "Prisustovao sam bajram-namazima sa Poslanikom, Ebu Bekrom, Omerom i Osmanom, i svi su klanjali (namaz) prije hutbe." (Buhari) Onome koji prisustvuje bajram-namaz pripada izbor da sluša hutbu ili da se udalji, a nikako da priča i druge ometa. Rekao je Poslanik, sallallahu alejhi ve sellem: "Mi držimo hutbu, a onaj ko voli da sjedi zbog hutbe, neka sjedi, a ko voli da ide, neka ide." (Ebu Davud i Hakim, hadis je sahih. Vidjeti: Albani, *Sahihul-Džamia*)

## Čestitanje Bajrama

Od Poslanika, sallallahu alejhi ve sellem, nije prenesen način čestitanja Bajrama, osim što je preneseno da su pojedini sahabi, kada bi se sreli na Bajram, čestitali jedni drugima riječima: "Tekabelallahu mina ve minkum!", što znači: "Allah primio i od nas i od vas!" (Hadis je hasen, kako ga je naveo Ibn Hadžer u *Fethul-Bariju*) Šejh Ibn Usejmin, Allah mu se smilovao, rekao je: "Čestitanje Bajrama je dozvoljeno, ali ne postoji određena forma (čestitanja). Čestitanje koje je već postalo uobičajeno dozvoljeno je, s tim da u njemu ne bude grijeha." (*Fetava Erkanul-islam*, pitanje br. 329)

## Način proslavljanja Bajrama

Bajram je praznik islama i muslimana, naročito postača. Kako da se ne vesele kada su proveli ramazan u pokornosti Allahu, nadajući se da to bude samo radi Njega i da ih nagradi za to! Bajramski dani jesu dani veselja i radosti, kako je to spomenuo imam Muslim, Allah mu se smilovao, dajući jednom od poglavlja svog *Sahiha* naslov "Olakšica u igri u kojoj nema nepokornosti u danima Bajrama". Na ovo također ukazuje i Poslanikova, sallallahu alejhi ve sellem, praksa. Rekla je Aiša, Allah bio zadovoljan njome: "Zaklonio me je Allahov Poslanik, sallallahu alejhi ve sellem, a ja sam posmatrala Habešije koji su se (kopljima) igrali u mesdžidu. (Vidjevši ih), Omer b. Hattab ih je ukorio, pa mu je Poslanik, sallallahu alejhi ve sellem, rekao: 'Pusti ih! Naša je majka iz Benu Erfide.'" (Buhari) O tome se govori i u slučaju kada je Ebu Bekr, radijallahu anhu, na dan Bajrama posjetio svoju kćerku Aišu, radijallahu anha, i kod nje zatekao dvije sluškinje koje su pjevale. Čuvši to, Ebu Bekr ukori Aišu i upita: "Zar pjesma u kući Allahovog Poslanika?!" Poslanik, sallallahu alejhi ve sellem, sjedeći licem okrenut na drugu stranu, rekao je: "Pusti ih, Ebu Bekre! Svaki narod ima svoj blagdan, a ovo je naš blagdan – bajram." (Buhari i Muslim) Rekao je Ibn Hadžer, Allah mu se smilovao: "Ovaj hadis obiluje mnogim koristima, a jedna od njih ogleda se u tome što je u ovim danima dozvoljeno da se porodice opuste različitim vrstama zabave koje ih dovode do duševnog i tjelesnog oduška poslije obaveznosti posta i ostalih ibadeta. Ispoljavanje radosti u prazničnim danima jedan je od simbola vjere (*Fethul-Bari*). Međutim, hadis ne ukazuje na to da je haram pjevanje dozvoljeno, kako to neki žele prikazati. Rekao je Ibn Hadžer, Allah mu se smilovao: "Hadis koji je spomenut u ovom poglavlju sufije uzimaju kao dokaz da je dozvoljeno pjevati i slušati pjesme koje se izvode uz pratnju muzičkih instrumenata i koje izvode profesionalni pjevači. Kao odgovor na ovo mišljenje dovoljno je navesti jasne riječi Aiše u hadisu koji se navodi u sljedećem poglavlju: 'I njih dvije nisu bile pjevačice' (Buhari)."

Izvor: El-Asr – mr. Osman Smajlović

## Ljudi i džini

Ima ljudi koji su od sihra napravili suštinu vjere. Džine spominju kao što se Allah spominje ili više od toga! Dok su ashabi učili Kur'an radi pouke i djela, danas mi učimo Kur'an da bi se štitili od džina! Inferiorna stvorenja kakva su džini, učinili smo superiornijim od insana, kojem je Allah namijenio ulogu superiornosti. Na sve strane samo sibir i priča o istom! A Iblis prokleti zbog toga radosno i zadovoljno trlja ruke.

Ljudi, ostavite se džina i sihra, živite islam! Zbog toga je Kur'an objavljen! Zamijenili smo uloge sa kršćanima...dok su oni u srednjem vijeku ganjali vještice i bavili se INKVIZICIJOM, muslimani su vladali i dominirali svijetom, životom, naukom.

Sada oni dominiraju, dok se muslimani bave džinijom i sihrovima! Lijepi islam Muhammedov, sallallahu alejhi ve selleme, zamijenili smo islamom trilera, na granici horora! Sve ovo, naravno, ne isključuje utemeljenost rukje u Šerijatu i njeno mjesto u sunnetu, samo protestujem protiv toga da se od toga pravi suština vjere i svrha islama, kao i da sve negativno što nam se dogodi u životu, svako loše ponašanje i mržnju pravdamo sihrom i džinima!

Allah da nam je na pomoći!!

Prof. Sanin Musa

## Deset praktičnih koraka do tevbe

Svjestan si da grijehenje Allahu nije put sreće i želiš učiniti tevbu – pokajati se, a ne znaš kako? Evo deset praktičnih koraka koji će te dovesti do iskrenog pokajanja:

- Neka tvoja namjera i pokajanje budu iskreni. Onaj ko bude iskren u svojoj namjeri i iskreno se Allahu pokaje, On će ga osnažiti i pomoći mu da ustraje, a ko ne bude iskren, savladat će ga njegovi šejtani.
- Preispitaj svoje stanje. To je način da shvatiš svoje stanje i uvidiš greške i propuste, a to će ti, opet, pomoći da se pokaješ i da se više ne vraćaš grijehu, nego da ustraješ.
- Podsjećaj se na smrt i imaj na umu da ona dolazi iznenada. Zapitaj se da li bi ti volio da te smrt zatekne u tom stanju.
- Otkloni od sebe uzroke grijeha. Naprimjer, izbjegavaj mjesta na kojima činiš grijeh. U priči o čovjeku koji je ubio stotinu ljudi, primjećujemo da je učenjak tom ubici kazao: "U ovom mjestu živi loš narod, pa otiđi u tu i tu zemlju gdje su ljudi pokorni Allahu, pa Mu robuj zajedno sa njima."
- Udalji se od lošeg društva i izaberi sebi društvo pobožnih i čestitih. Poslanik, sallallahu alejhi ve sellem, rekao je: "Čovjek je u vjeri svog prijatelja, pa neka svako od vas gleda ko mu je prijatelj." (Tirmizi)
- Podsjećaj se na loše posljedice grijeha. Ovo će te prvo navesti da ostaviš činjenje grijeha, a potom i da se pokaješ.
- Budi strpljiv i odlučan, naročito u početku, kako bi se odupro šejtanskim došaptavanjima i nagovaranjima lošeg društva da odustaneš.
- Zaokupi se činjenjem korisnih stvari. Obično se iz dokolice i slobodnog vremena skrene na stranputicu, naročito ako se još ima loše društvo.
- Usprotivi se svojim strastima. Onaj ko želi da se iskreno pokaje i raščisti sa svojom prošlošću i ne vraća se više, ne smije robovati svoji strastima.
- Moli Allaha da ti podari da se iskreno pokaješ.





12.03.17 u džematu FIRDEUS Haris ef. Kalac je održao predavanje o međusobnom ponašanju i naveo veliki broj primjera iz života Poslanika s.a.v.s i prisutnima objasnio na najljepši način ponašanje Poslanika s.a.v.s prema svojim ashabima, članovima porodice, delegacijama koje je primao te nas sve podstekao kako lijep ophod i ponašanje djeluje na našu okolinu i same nas. Džemat Firdeus Offenbach želi da se zahvali Haris ef. Kalacu na provedenom vremenu i zijaretu našem džematu. Zaista ovaj Allahov rob zrači lijepim ahlakom i na praktičan i lahak način dostavlja Allahovu vjeru.



06.03.17. Džemat FIRDEUS je pokrenuo humanitarnu akciju prikupljanja novčanih srestava za liječenje Munira Arnaut iz Zenice za transplataciju jetre. 11.04 17 je ispred Džemata FIRDEUS uručeno 1850 Eura koja su prikupljena lično kod nas u Offenbachu, Frankfurtu i okolini. Na akciju se također odazvali: bošnjački džemat Hanau, bošnjaci Frankfurta, CHR Hajrat iz Sandzaka. Cjelokupna svota skupljenih sredstava iznosi do sada oko 30.000 maraka. Želimo još jednom da se svima ispred džemata Firdeus Offenbach zahvalimo na odazivu uz dovu Allahu subhanehu ve teala da svima ukabuli i nadoknadi vižestruko. Akcija se nastavlja



U mjesecu aprilu i maju u džematu Firdeus održan je serijal predavanja od našeg uvaženog hafiza Edisa ef. Gorčevića, svršenika Fakulteta hadisa na Islamskom univerzitetu u Medini. Uvaženi hafiz Edis ef. Gorčević predvodio je i nekoliko džuma namaza u našem džematu.



U subotu 13.05.17, upriličeno je predramazansko druženje za žene u džematu Firdeus. I ovaj put se okupilo veliki broj bošnjakinja i prisustvovao predavanju i druženju sa nama svima dragom sestrom Nađom Dizdarević.

Zaista nam je bila čast i zadovoljstvo hizmetit na Allahovom putu i ugostiti drage insane koji su došli da se okupe i družu u ime Allaha.

Želimo se ovim putem još jednom zahvaliti svima onima koji su na bilo koji način učestvovali u organizaciji ovog druženja.

Sestre Džemata – Firdeus



Džemat Firdeus je i ove godine pred ramazan organizovao tribinu pod nazivom „U SUSRET RAMAZANU“ gdje su se prisutnima obratili hafiz Edis Gorčević i Gökhan Soysal i posjetili ih na važnost mjeseca ramazana i blagodatima ovog mjeseca kao i o radnjama, koje je lijepo i pohvalno činiti u ovom mubarek mjesecu.

## VJERNIK - INFO

### Promocija knjige "Škrijelje" autora prof. Muzafera Hadžića

Stvarno je rijetkost u ovom "brzom" vremenu, kada svako trči za nekom modernizacijom i digitalizacijom, da jedan čovjek žrtvuje toliko vremena u istraživanju prošlosti svog rodnog sela i porodičnog stabla svoje familije. Hadžija Muzafer Hadžić, druge titule i zvanja ćemo izostaviti, je u svojoj knjizi "Škrijelje" uspio da sačuva dio



sjećanja, dio Historije, dio bogate zaostavštine svog rodnog sela Škrijelja od zaborava i ostavi u amanet budućim generacijama. Promocija knjige je održana u prostorijama džemata BKZ Sandžak u Offenbachu, pred više od stotinu Bošnjaka Frankfurta i Offenbacha. Promociju je moderirao hafiz Nedžad ef. Ljajić, a glavni promotor je bio dr. Harun Crnovršanin, autor mnogobrojnih historijskih knjiga i filmova, što bi rekli čovjek od faha. Pored osvrtu na mukotrpno prikupljanje informacija autor je u par anegdota povratio sjećanje na svoje djetinstvo, na tradiciju i bogastvo, nekada jednog od najvećih sela u Sandžaku, kojem nažalost prijeti pustoš, jer je sve manje onih koji u njemu žive. Svako ko je pokušao da napravi porodično stablo svoje porodice zna koliko je to mukotrpno i nekad bezuspješno završi na par grančica. Autor je u svome djelu sakupio podatke o preko 1000 članova porodice Hadžić. Aferim Hadžija...

Pripremio: Besim Fehratović

### Šta je sledeće na redu?

#### Izglasan zakon: U Austriji za nošenje burke kazna 150 eura

U Austrijskom parlamentu je izglasan zakon kojim se zabranjuje nošenje odjevnih predmeta u javnosti, kojima se potpuno prekriva lice, a prijestupnici će od oktobra ove godine moći biti novčano kažnjavani iznosom od 150 eura za nepoštivanje ove odredbe. Izglasane zakonske odredbe dio su opsežnijeg integracijskog zakona, na kojem austrijska vlada nastavlja raditi, iako su za oktobar najavljeni vanredni parlamentarni izbori.

Između ostalog, u ovom zakonskom paketu usvojene su odredbe kojima se zabranjuje distribucija Kur'ana, a imigranti su obvezni godinu dana sudjelovati u integracijskom procesu tokom kojeg će učiti njemački jezik i etiku. Ova je mjera usmjerena prema izbjeglicama i tražiteljima azila, za koje postoji procjena kako imaju dobre izgleda za ostanak u Austriji. Od tražitelja azila se također očekuje spremnost na volonterski rad za javno dobro, a oni koji to odbiju automatski će izgubiti stečene povlastice. Ovim bi se zakonskim prijedlogom migrante trebalo učiniti poželjnijim radnicima kod austrijskih poslodavaca.

## ŽIVJETI ZDRAVO

### Čičak – neugledan korov koji čuva vaše zdravlje

U narodu je poznat i kao lopuh, lepuh, lepušina, čakalj, lopuk, repuh, lipalj. Porijeklom je iz Europe i Sibira, a danas je rasprostranjen diljem svijeta. U srednjem vijeku ova biljka je redovito korištena u kulinarsvu kao povrće izuzetno hranjivih vrijednosti. Danas se kao kulinarska namirnica koristi još samo u Japanu. U ostatku svijeta čičak se vrlo rijetko koristi kao hrana, ali je izuzetno cijenjen na području fitoterapije te u kozmetičkoj industriji.

**Vitamini** značajno zastupljeni u čičku su C i E, koji kao snažni prirodni antioksidansi pomažu u prevenciji i liječenju mnogih oboljenja.

Od **minerala**, poseban naglasak je na kaliju koji čuva zdravlje kardiovaskularnog sustava, živaca i mišića, otklanja umor te pomaže u očuvanju optimalne razine energije i koncentracije.

Čičak je dobar izvor prebiotika inulina koji se ističe svojim laksativnim svojstvima te pozitivnim djelovanjem na crijevnu mikrofloru. Inulin pomaže i u snižavanju razine šećera i kolesterola u krvi te smanjenju prekomjerne tjelesne težine. Mnogobrojne studije su pokazale da ovaj polisaharid utječe i na povećanje koncentracije kalcija i magnezija u organizmu, što je od velikog značaja za zdravlje kostiju i zubi.

One ublažavaju bolove u trbuhu, nadutost, žgaravicu i mučninu te pospješuju stvaranje probavnih sokova, što je od velikog značaja za zdravu probavu. Pospješuju resorpciju vitamina i minerala u tragovima te pomažu u očuvanju zdravlja jetre i žučnog mjehura.

#### Ljekovita svojstva čička

Moderna istraživanja potvrđuju da svi dijelovi ove biljke blagotvorno djeluju kod mnogih zdravstvenih tegoba. Čičak je odličan saveznik imunološkog sustava – jača imunitet, prevenira i liječi gripu, razne infekcije i alergije. Pospješuje znojenje, a time i detoksikaciju organizma putem kože. Oblog od čička koristi se za liječenje kožnih problema poput nečiste kože, modrica, osipa, gnojnih rana, ogrebotina, akni,



ekcema i lišaja. Pomaže u pročišćavanju krvi, prevenira i liječi anemiju, a prema najnovijim istraživanjima djelotvoran je i u liječenju **leukemije**. Zahvaljujući inulinu u svom sastavu ova biljka je od velike pomoći u regulaciji razine šećera u krvi pa se dijabetičarima preporučuje svakodnevna konzumacija tinkture od čička. Sirup od korijena i sjemenki čička čuva zdravlje usne šupljine i dišnog sustava. Čičak potiče apetit, ublažava nadutost i zatvor, pospješuje probavu i smiruje nervozu crijeva. Sprečava bolesti jetre, pomaže u njezinoj regeneraciji te stimulira rad jetre i izlučivanje žuči. Pospješuje eliminaciju bubrežnog i mokraćnog pijeska te kamenaca. Blagotvorno djeluje kod bolnih zglobova, gihta, artritisa i reume. U tom slučaju primjenjuju se oblozi ili čaj od sjemenki čička. **Čaj od čička** - izvrstan je za pročišćavanje krvi, ublažavanje reumatskih tegoba te liječenje veneričnih bolesti. Čaj od sjemena izvrstan je diuretik te odličan saveznik u prevenciji bubrežnih kamenaca i regulaciji menstruacije. Čaj od mladog lišća ublažava nadutost te pomaže kod katara želuca. Ispiranje ogrebotina, rana i čireva ovim čajem pridonosi njihovom bržem zacjeljivanju.

**Sok od čička** liječi bolesnu jetru te potiče izlučivanje žuči. Sok od korijena posebno je djelotvoran u čišćenju kože, liječenju čireva, akni i lišajeva te zacjeljivanju rana, ogrebotina i opekline.

#### Mast od čička

Mast se koristi za liječenje mnogobrojnih kožnih problema - upaljene kože, čireva, rana, opekline, bradavica, lišajeva, ekcema, psorijaze

Izvor: Prirodni lijek



## DOVA ZA BRIGU I DUG

Ušao je Allahov Poslanik, s.a.v.s., u džamiju pa je vidio Ebu Umamu, te mu je rekao: "O Ebu Umame, šta te je navelo da sjediš i džamiji u vremenu koje nije vrijeme za namaz?" Reče: O Allahov Poslaniče, brige su me obuzele, a dugovi stisli. Pa reče Allahov Poslanik, s.a.v.s., : Zar ne bi htio da te uputim na riječi koje ako izgovoriš Allah će ti otkloniti brige i oslobodit će te duga?" Dakako o Allahov Poslaniče. Reče mu:

Reci:

"Allahumme inni euzu bike minel-hemmi vel-hazeni, ve euzu bike minel-adžži vel-keseli, ve euzu bike minel-džubni vel-buhli, ve euzu bike min-galebeted-dejni, ve kahrir-ridžali.

"Allahu moj, utječem ti se od brige i žalosti, nemoći i lijenosti, od kukavičluka i škrtosti, i od toga da me dug savlada i ljudi ugnjetavaju".

Pripremio: Šefik Dalalović, student Islamskog fakulteta u Medini



## Poslanik Hud, a.s., i strašni vjetar



**N**ekada davno u Jemenu je postojao grad po imenu Irem. Bio je to veliki grad, sa ogromnim građevinama i vrlo lijepim vrtovima. Ljudi su bili veoma bogati. Stanovnici Irema bili su veoma ponosni na svoj grad i svoje vrtove. Zaboravljali su da im je sve to podario Allah, dž.š., i da Mu se trebaju moliti. U Iremu je živio i čovjek po imenu Hud, a.s. On je bio božiji poslanik. On je volio Allaha, dž.š., i klanjao Mu se. Želio je i da drugi ljudi isto čine, ali ga oni nisu slušali. Okretali su mu leđa i bili vrlo ponosni i uobraženi. Poslanik Hud, a.s., znao je da dragi Allah ne voli umišljene ljude i da će ih kazniti ako se ne promijene. Ako ne postanu dobri, sigurno ih čeka kazna. Ali, taj narod se nije želio promijeniti. Nisu shvatali da nešto nije u redu sa njima. Zbog toga im je Allah, dž.š., poslao strašnu kaznu. Bunari su presušili i nestalo je vode u kanalima. Zelena polja postala su žuta. Lišće na drveću se zasušilo, cvijeće u vrtovima pogelo glavice, a životinje su cviljele od žeđi. Hud, a.s., ponovo je upozorio te ljude. Rekao im je: "Allah, dž.š., kaznio je vas sušom! Nemojte biti grijешnici! Ako se ne pokorite on će vas još više kazniti. Ali, nisu ga slušali. Kako bi ih još više kaznio, Gospodar je, na kraju, poslao strašan vjetar. Užasni vjetar stigao je na munjevitom tamnom oblaku. Ljudi su primjetili da se približava pluja, ali su mislili da je to oblak sa kišom. Ponos ih je učinio slijepima! Nisu vidjeli da im se bliži propast... Još uvijek nisu shvatili da nisu bili u pravu. Nisu mogli pojmiti da su grijешni, niti da se to Allahu, dž.š., nesviđa. Strašna oluja pustošila je grad sedam noći i osam dana. Drveće je čupala iz korijena, kuće su bile smrvljene, vrtovi uništeni, ljudi su umirali i bogati grad je postao neprepoznatljiv. Allah, dž.š., spasio je samo Huda, a.s., i njegove sljedbenike. Dragi Allah spašava one koji vjeruju u Njega!

Pouka ove priče je da čovjek treba ostati skrušen i skroman ma koliko uspjeh postigao. Sve što neko postigne, na to treba gledati kao na blagodat Allah, dž.š. Ako neko ne bude tako činio, njegov uspjeh lahko može nestati, poput raskošnih domova naroda Ad, a taj narod je Gospodar uništio olujom.

Izvor: Najljepše priče iz Kur'ana

Priredila: Lenny Alina Mujakić

# TORTE I KOLAČI "AMELKO"

Za narudžbe i pitanja pozivite na: 0151/15 32 68 88

*Torte i kolači za sve prilike*





Živjeti zdravije!



## Prodaja meda i mednih proizvoda

- Med (livada, bagrem, kesten, medljika, šumski, planinski)
- Matična mliječ ( propolisom, polenom i medom)
- Propolis (krema, kapi)
- Polen (cvjetni prah)
- Medni koktel (birano sjemenje koštunjavo i tropsko voće sa medom)
- Brusnice u medu
- Bronhy sirup (smreka,zova, majčina d.)
- Casanova
- Čorokotovo ulje



NOVO!!!!!!

Sve informacije na tel: 0178/69 89 166

Offenbach am Main

